

REGLUR

um meistaranám við lyfjafræðideild Háskóla Íslands.

1. gr.

Meistaránám.

Lyfjafræðideild Háskóla Íslands býður upp á tvenns konar meistaranám, rannsóknatengt meistaranám og fræðilegt meistaranám, sbr. 7. gr.

2. gr.

Rannsóknanámsnefnd.

Rannsóknanámsnefnd lyfjafræðideildar fer með málefni meistaranámsins í umboði deildarráðs. Hlutverk hennar er m.a. að fjalla um umsóknir, samþykkja breytingar á námsáætlun, sbr. 4. gr., skipa menn í meistaranámsnefndir, tilnefna prófdómara fyrir meistaraþróf, sbr. 12. gr., og sjá um meistaraþróf.

3. gr.

Umsóknarfrestur.

Umsóknarfrestur er til 15. mars fyrir innritun á haustmisseri en til 15. september fyrir innritun á vormisseri. Deildarráð lyfjafræðideildar getur veitt undanþágu frá þessum tíma- setningum.

4. gr.

Meðferð umsókna.

Umsóknum skal skilað til skrifstofu lyfjafræðideildar. Rannsóknanámsnefnd afgreiðir umsóknir og tilkynnir deildarráði um niðurstöðurnar. Afgreiðslu umsóknar skal að jafnaði vera lokið og henni svarað innan 6 vikna frá móttöku. Umsókn um fræðilegt meistaranám skal skila á sérstöku eyðublaði ásamt ítarlegri náms- og rannsóknaráætlun, þ. á m. lista yfir fyrirhuguð námskeið. Umsókn um rannsóknatengt meistaranám skal fylgja námsáætlun, þ. á m. listi yfir fyrirhuguð námskeið, lýsing rannsóknarverkefnis og rannsóknaráætlun og stutt greinargerð um fyrirhugaða fjármögnun námsins. Sé rannsóknarverkefnið unnið utan lyfjafræðideildar, skal fylgja með yfirlýsing fyrirtækis eða stofnunar sem verkefnið er unnið hjá. Þessi yfirlýsing skal staðfesta þátttöku fyrirtækisins eða stofnunarinnar í verkefninu. Breytingar á námsáætlun eru háðar samþykki rannsóknanámsnefndar.

Ferli umsókna er sem hér segir:

- a) Stúdent finnur sér leiðbeinanda og umsjónarkennara.
- b) Stúdent sækir um inngöngu í meistaranám á sérstöku eyðublaði sem fæst á skrifstofu lyfjafræðideildar og er eyðublaðinu, útfylltu, skilað þangað.
- c) Lyfjafræðideild synjar nemanda ef umsókn uppfyllir ekki gæðakröfur eða samþykkir umsóknina og tilkynnir niðurstöðu bréfluga, sbr. afgreiðslufrest umsókna í 4. gr. Synjun umsóknar skal vera rökstudd.
- d) Afgreiðsla lyfjafræðideildar er tilkynnt til nemendaskrár um leið og hún liggur fyrir.
- e) Stúdent sem rannsóknanámsnefnd hefur samþykkt í meistaranám skal snúa sér til nemendaskrár og ganga frá skráningu sinni í námið. Þeir sem hyggjast hefja meistaranám á haustmisseri skulu ganga frá skráningu eigi síðar en 20. júní, en þeir sem ráðgera að hefja nám sitt á vormisseri skulu skrá sig eigi síðar en 30. október.

5. gr.

Inntökuskilyrði.

Til að innritast í meistaranám við lyfjafræðideild þarf stúdent að hafa lokið B.S.-prófi, 7 misserum við lyfjafræðideild Háskóla Íslands eða öðru samsvarandi prófi. Miðað er við

að nemandi, sem hefur lokið prófi frá Háskóla Íslands, hafi að lágmarki 6,5 í aðaleinkunn á B.S.-prófi eða samsvarandi námi. Rannsóknanámsnefnd metur próf frá öðrum skólum en Háskóla Íslands. Heimilt er að víkja frá reglunni um lágmarkseinkunn hafi umsækjandi t.d. sýnt fram á námshæfni og/eða hæfni í sjálfstæðum rannsóknum.

6. gr.

Einingafjöldi og tímalengd náms.

Meistaránám við lyfjafræðideild er 60 einingar. Miðað er við að í eðlilegri námsframvindu sé lengd meistaránáms tvö ár og að jafnaði taki námið ekki lengri tíma en fjögur ár. Við brautskráningu skal sýnt að stúdent hafi verið skráður og greitt skráningargjald allan námstímann.

7. gr.

Námsleiðir.

A. Rannsóknatengt meistaránám.

Námið felur í sér þjálfun í vísindalegum vinnubrögðum. Vinna að eigin rannsóknarverkefni og ritgerð byggð á því er meginhluti námsins. Stærð rannsóknarverkefnis er ákveðin í námsáætlun og skal vera minnst 30 einingar en mest 45 einingar. Aðrar einingar fást með þátttöku í námskeiðum, semínörum og lesnámskeiðum. Þátttaka í málstofum innan Háskóla Íslands eða málstofum annarra háskóla, sem nemur þremur einingum, er skylda. Rannsóknanámsnefnd lyfjafræðideildar skipuleggur þátttöku meistaránema við lyfjafræðideild í málstofum.

B. Fræðilegt meistaránám.

Námið felur í sér þátttöku í námskeiðum við lyfjafræðideild Háskóla Íslands og þjálfun í vísindalegum vinnubrögðum. Heimilt er að sækja námskeið til annarra deilda eða háskóla. Stærð rannsóknarverkefnis er ákveðin í námsáætlun og skal vera minnst 15 einingar en mest 30 einingar. Aðrar einingar fást með þátttöku í námskeiðum, semínörum og lesnámskeiðum. Þátttaka í málstofum innan Háskóla Íslands, sem nemur þremur einingum, er skylda. Rannsóknanámsnefnd lyfjafræðideildar skipuleggur þátttöku meistaránema við lyfjafræðideild í málstofum.

8. gr.

Umsjónarkennari og leiðbeinandi.

Meistaránemi skal frá upphafi náms hafa umsjónarkennara úr hópi fastra kennara í viðkomandi grein, sem hann ráðfærir sig við um skipulag námsins, val námskeiða og annað sem náminu tengist. Umsjónarkennari, ásamt stúdent, leggur fram námsáætlun sem rannsóknanámsnefnd lyfjafræðideildar samþykkir.

Leiðbeinandi leiðbeinir stúdent í rannsóknarverkefni. Umsjónarkennari og leiðbeinandi eru að jafnaði sami maðurinn. Nemanda er heimilt að hafa utanaðkomandi leiðbeinanda sem uppfyllir þær kröfur sem gerðar eru í þessum reglum. Séu umsjónarkennari og leiðbeinandi ekki sami maðurinn hefur umsjónarkennari umsjón með náminu en leiðbeinandi sér um að leiðbeina stúdent í rannsóknarverkefni.

9. gr.

Kröfur til umsjónarkennara og leiðbeinenda.

Umsjónarkennari skal ávallt vera fastur kennari (lektor, dósent eða prófessor) í viðkomandi grein. Ef leiðbeinandi meistaránema er ekki fastur kennari er nauðsynlegt að hann hafi sjálfur a.m.k. lokið meistaraprófi á fræðasviðinu. Í slíkum tilvikum skal leiðbeinandi leggja fram ritverkalista auk lífsferilsskrár (curriculum vitae) og metur rannsóknanámsnefnd hæfni hans. Gæta þarf þess að verkefni nemandans sé á sérsviði leiðbeinandans. Leiðbeinendur meistaránema, hvort sem þeir eru fastir kennarar við Háskólann eða ekki, skulu vera viður-

kenndir sérfræðingar á viðkomandi sviði og hafa birt ritsmíðar er tengjast verkefni stúdents á vettvangi sem gerir strangar fræðilegar kröfur.

10. gr.

Meistaránámsnefndir.

Meistaránámsnefnd skal skipuð þremur sérfróðum mönnum og er einn þeirra umsjónarkennarinn. Í þeim tilvikum þar sem umsjónarkennari er ekki leiðbeinandi skal sá síðarnefndi einnig sitja í meistaránámsnefnd. Rannsóknanámsnefnd skipar meistaránámsnefndina. Hlutverk hennar er að fylgjast með að framgangur námsins sé í samræmi við námsáætlun og tryggja fagleg gæði rannsóknavinnunnar í samræmi við reglur deildarinnar. Meistaránámsnefnd skal árlega skila stuttri skýrslu um framvindu námsins til rannsóknanámsnefndar. Rannsóknanámsnefnd gegnir hlutverki meistaránámsnefndar hjá þeim nemum sem eru í fræðilegu meistaránámi.

11. gr.

Prófdómarar.

Rannsóknanámsnefnd tilnefnir tvo prófdómara sem prófa meistaránema og leggja mat á rannsóknarverkefni hans ásamt meistaránámsnefnd. Prófdómarar skulu ekki vera tengdir rannsóknarverkefninu. Í fræðilegu meistaránámi skal farið með próf í rannsóknarverkefni samkvæmt fyrirmælum um lokaverkefni í kennsluskrá, kafla lyfjafræðideildar.

12. gr.

Námsmat og meistarapróf.

Um leið og ritgerð er lögð fram skal jafnframt leggja fram til mats rannsóknanámsnefndar staðfest námsferilsyfirlit stúdents. Í rannsóknatengdu meistaraprófi flytur nemandi fyrirlestur um rannsóknarverkefnið (20 til 40 mín.) og hafa prófdómarar síðan samtals u.þ.b. klukkustund til að prófa nemandann. Prófdómarar ásamt umsjónarkennara og prófstjóra, sem skipaður er af rannsóknanámsnefnd, meta frammistöðu nemanda og gefa honum einkunn. Í bóklegu meistaránámi skal farið með próf í rannsóknarverkefni samkvæmt fyrirmælum um lokaverkefni í kennsluskrá, kafla lyfjafræðideildar.

13. gr.

Skil og frágangur meistararitgerða.

Meistararitgerð skal uppfylla kröfur lyfjafræðideildar Háskóla Íslands um ritgerðir til meistaraprófs. Í henni skal vera ítarlegur inngangur þar sem staða rannsókna á fræðasviðinu er rakin, aðferðafræði sem beitt var, niðurstöður, ítarleg umfjöllun og heimildaskrá sem skal vera samkvæmt almennum reglum vísindatímarita. Í ritgerð skal getið stofnunar sem rannsóknin var unnin við og einnig skal geta umsjónarkennara og leiðbeinanda. Koma skal skýrt fram að verkefnið var unnið við Háskóla Íslands og geta skal þeirra sjóða sem styrktu verkefnið.

Meistararitgerð nemenda í rannsóknatengdu meistaránámi skal skilað í fimm eintökum til skrifstofu lyfjafræðideildar eigi síðar en sex vikum fyrir áætlaðan prófdag. Lyfjafræðideild tekur ekki þátt í kostnaði vegna meistararitgerða. Í fræðilegu meistaránámi skal farið með meistararitgerðir samkvæmt fyrirmælum um lokaverkefni í kennsluskrá, kafla lyfjafræðideildar.

14. gr.

Tengsl við aðra háskóla.

Nemendur geta tekið hluta meistaránámsins við aðra háskóla sem rannsóknanámsnefnd samþykkir.

15. gr.

Lærdómstitlar.

Að loknu meistaranámi í lyfjafræði hlýtur stúdent lærdómstitilinn *Master of Science in Pharmaceutical Sciences* (M.S. Pharm. Sci.).

16. gr.

Gildistaka o.fl.

Reglur þessar sem samþykktar hafa verið af deildarfundi í lyfjafræðideild og hlotið staðfestingu háskólaráðs, sbr. 2. mgr. 13. gr. laga nr. 41/1999 um Háskóla Íslands og 67. og 68. gr. reglna fyrir Háskóla Íslands, öðlast þegar gildi.

Auk birtingar í B-deild Stjórnartíðinda, sbr. 1. mgr. 20. gr. laga nr. 41/1999, skal birta reglur þessar í kafla lyfjafræðideildar í kennsluskrá og á heimasíðu deildarinnar.

Háskóla Íslands, 29. janúar 2003.

Páll Skúlason.

Pórður Kristinsson.

AUGLÝSING

**um gildistöku ákvörðunar Flugmálastjórnar Íslands nr. 1/2003
um skipan og starfsemi flugverndarráðs.**

Með vísan til 140. gr. laga nr. 60/1998 um loftferðir og reglugerðar um flugmálahandbók útgefna af Flugmálastjórn Íslands nr. 326/2000, hefur Flugmálastjórn ákveðið að frá og með 20. janúar 2003 taki gildi reglur um skipan og starfsemi flugverndarráðs samkvæmt ákvörðun Flugmálastjórnar Íslands nr. 1/2003.

Ákvörðun Flugmálastjórnar Íslands er birt í heild sinni í flugmálahandbók Flugmálastjórnar, 3. deild (Ákvarðanir Flugmálastjórnar Íslands).

Auglýsingin öðlast þegar gildi.

Reykjavík, 17. janúar 2003.

Porgeir Pálsson flugmálastjóri.

REGLUGERÐ

**um breytingu á reglugerð um jöfnun tekjutaps sveitarfélaga
vegna lækkunar tekna af fasteignaskatti, nr. 80/2001, með síðari breytingum.**

1. gr.

2. gr. reglugerðarinnar verður svohljóðandi:

Til framlaga samkvæmt reglugerð þessari skulu renna allt að 30% af tekjum Jöfnunarsjóðs sveitarfélaga skv. a-lið 8. gr. laga um tekjustofna sveitarfélaga, nr. 4/1995, með síðari breytingum.